

## **JAMAANEN KUWA BE GA ‘FORODU’ DO DURUXUN GAJANŊA**

Luwa be ga da jamaanen kuwa be ga ‘forodu’ do duruxun gajannan sigindi(OFNAC )

Asanbale nasionaali digaamen kuti falle,a da toɗondi, a taaxe araba desanburu,19,2012, ke luwa a noxudu fon ga ni :

### **Gorda fana : fi fano**

**Baabu 1 :** I da sigindi fankan toore a ga i duran kaara a toxoni jamaanen kuwa be ga forodu do duruxun gajanna i xilli OFNAC.

A senbenten ga Jamaanen xirisen ka,OFNAC do i duran naburen yaa ni.

**Baabu 2 :** OFNAC golle ni na forodu do duruxun gaja, kun do i meenu do gollu buru kafumaxo, ku do na dunteɗaaxu du kellifaadaxu deɗe kaane fankan xibarun sorogonden di.

**Baabu 3 :** A wa kappa OFNAC gollu :

1.kafumande,jagande do na ro kiiti kutaanon kitundi i be ga sikki do xibaaru be ga katta duruxu, forodu do ku do i meenu koroosinde do i kiite, sere su ga da dabari a ga fankan golle ma duran kaara ;

2. na faraxiyu yaamari, luwa, kandan kutunde ma fankan kutunde a ga toore moxo siren deɗe kaane, ken do jamaanun naxan jagundu ;

3. na hadamarenmu ma seran xawaron pelinteenun wutu i ga katta duruxu do i meenu ma kun do fo be gan xawa ;

4. na sinmayu safa, fankan soron yaamariyen kanma, terekillu be nu ga i kaane xatana, kun simayu ranta banɗene.

OFNAC gollu noxo a rawa :

- sere su i ga sobi a di ti a tawe gollu ku baanan be ñanɓe i na a tirindi xo ke luwa len kacci 1 Baabu 3 ga da riiti moxo be ;

- na sefen seedo wutu, xibaare su, dokuma be nafaŋ ga a yi, a na ñi golle gundo su ranta a kabana ;

- na xibaare tirindi “bankunu” do xalisin gollina laqun , a na ñi i ranta tini banken gundon yaa ni.

OFNAC rawa gollu su kappa i du ya gelli i ga lawa a deemana.

OFNAC naxa gollun wa a do jamaanen feddalenmo do jaman falle xallu meenu i ga forudu, duruxu do kun do i meenu gajanɗa.

I gollu noxo, OFNAC gollinaɗaano fankan sere su ranta yaamariye kinni i ya.

## **GORDA II : Tage moxo do tere moxo**

**Baabu 4 :** OFNAC ni yinmu 12, yinmanke do i batta maxe. i na i wuttu kiiti kutaanon yaa di, fankan lemunu i ga kappa kategori A1 ma kun meenu, mayisin xaramoxo xooro, sosiyete siwiilin soro do duran kafon soro be nu xaran xooron « masteeeri » ga i maxa ma ken me.

OFNAC soron su nan fotonta siino tanmi me gollini.

**Baabu 5 :** OFNAC kaananke, a batamaxe do soro kuutu ku i wuti ti dekeren ya ti siino 3 a ga lawa yillene ta baane. faraxiye ke ñaana ti taxanden ya siino 3 su.

OFNAC yinmanke na i gollen dabarini ya moxo dumante, fankan golle ma duran golle tana su nta kappa a yi.

**Baabu 6 :** i katono OFNAC soron bakka i golle ɗa ma ga na ña :

-Bakke ti i du ( demisione)

- kalle

- golli bure ma kamanen bantaye i sere gabe ga a seeda yinmanken rapoorun kanma.

Saage batte ke ñaana xo wutunde moxon ya.

Ke be ga taaxu a na bakkaana ke taaxi wuccen ya tinmandini.

**Baabu 7 :** Yinmanke na batun taaxen maanan ko, na gollun kanda, nan sikki do OFNAC tere moxo sire.

A ya na dokumanun siñane do bataaxu do nan taaxu OFNAC da fankan batunu do fankan kappalenmo.

Gelli yinmanken ga na bante, a batta maxe na daga a da.

**Baabu 8 :** Dekeren yaa na sigindini yinmanken tugaado do munnafantan foonu be ga a da, ken do batta maxe do OFNAC soro kutun musaxanun faxe do munnafanta foonu.

**Baabu 9 :** OFNAC soro i ranta i batta, ni muuru, ni raga, ni texe ma ni kiiti,ti simayu,killu kinne ma gollu ma digan kutiye ga wuti i golle noxo.

**Baabu 10 :** OFNAC soro nan fotonta tigitini i raqu do gundon golle sawuye.

Saado i ga gollen wutu, i kunene Dakaaru kuuru Dapelin jo i batu daronten taaxe , kun digamu ku ya faa yi : « in kune ti kunayen fo daronte OFANAC gollña lenma ti na i gollen dabarini ti moxo sire do a gan fotonta moxo be tin yinme do fasande ganta do a yi, horaaxu do kille kanam do batun digan kutunton sawunde ».

**Baabu 11 :** OFNAC na meeñini i yinmanken xirinden kanma ma i taxandun sikki ga na muuru.OFANAC ranta digaame kutu a na ñi taxandu filli sikko noxo i ga ma tawe.

I na digaamun kuttu ti soron taxanden baane ya. Gelli xannun ga taxandi yinmanken xanne na jitandi.

Ke len kaaci danginte gorinde kanam,gelli a ga fi wara katta porokururu,OFNAC soro na digaame ke dangindini ti taxandu filli sikko noxo

**Baabu 12 :** OFNAC rawa sikki non do do fofo su gani forodu, durusu ma golli bure xo len kacci 1 Baabu 3 ga riiti i ga xala.Hadamarenme ma seran xawara rawa telle katta a yi.

**Baabu 13 :** OFNAC rawa rapooru su hayibana a ga katta forodu ma duruxu.

**Baabu 14 :** Gugandun falle, gelli xibaaru kafumanto do jagande i ga siika ti gollu buru ku baanan be xo len kacci 1 Baabu 3 ga riiti ke luwadi,OFNAC na rapooru ke wara katta porokururu ña kayitinu be ga a kanma.

Rapooru ke walle katta porokururu ña OFNAC kitte nta xa a kanma.

**Baabu 15 :** OFNAC rawa ti ni sere yamariyen ga a maxa ti na kille wurundi, fankan lemine ma fanfan gollinaana kaman kanma ku gollu baanan be xo len kacci 1 Baabu 3 ga riiti ke luwadi. Gelli foofon ma koni ke digaame kanma,OFNAC na a kiña Jamaanen xirise ña.

**Baabu 16 :** Biro logonte dumatén yaa na OFNAC maxa sere logonte dumanten ga a kaane. Sere logonte dumante ke wuti ti dekeren a ga OFNAC yinmanken wure.

Ku do a gollu ku saBaabu OFNAC rawa Etan gollinã laqun deemanden kiita.

**Baabu 17 :** OFNAC na siine su gollun rapoorun ya bagandini do killu i ga forodu ma duruxun kaane xatana. Rapooru ke na kini Jamaanen xirise. A na hayibe ti xibarindi moxon su.

**Baabu 18 :** Dekere na ri, a ga ña, OFNAC tagaye moxo do tere moxon killun timandi.

### **Gorda III : Gollinã naburu**

**Baabu 19 :** OFNAC gollinã naburun bakka :

- Eta naburu kininto
- Jamaanen kappa lenmo jamaanu filli ma do jamaanu jamaanun ga deemandu ma kitti xallu ke be riitini.

**Baabu 20 :** OFNAC na i gollinã naburun safa a do Eta gollinã laqu be ga fi ke tu do a na i ña xo fankan naburun jaate killu moxo.

Naburu be ga gollen tere moxo do i tinmanden bakka na taaxu kaara a na safe fankan gollinã naburu ku di. I na yaamari fankan gollinã naburun luwandi.

Naburu be gan fotonta i na kini OFNAC gelli siinen naburun jañaaruu.

OFNAC naburun bakke yamarindaana ni yinmanken ke a yaa na xalisin bakke ke yamarini do fankan lemine xalisi sawana a ga kandan be naburun xalifante ga a yi wure.

OFNAC naburun kille dekeren yan na sigindini.

#### **Gorda IV : Dangi killu do fi lagaru**

**Baabu 21** : Na wutu kota be ke luwa ga ro,fiinu su ga ñi jamaanen kuwa be ga forodu do duruxun gajanjan ware katta OFNAC.

**Baabu 22** : Fofu su do ke luwa ga ma meewutu a buruxe,ma a ga riini luwa no 2003-35 nowanburu,24,2003 katta jamaanen kuwa be ga muqe,duruxu do fankan len musundon gajanja,a ga faraxi ti luwa no 0028-42 utu,20,2008.